

# AD QVODLIBETARIAM.

## QVÆSTIO MEDICA.

341

Matutinis excutienda disputationibus, die Iouis ix. Januarij in scholis Medicorum Paris.  
D. Alberto le Feure, Medico Regio moderatore.

*An semen muliebri prolificum?*

**N**ATVRA solers, & rerum provida cuilibet homini cupiditatem æternitatis insecuit: quem cum solo indiuiduo minimè tueri posset, non interrumpit speciei propagine perpetuum factura, marem & foeminam duo generationis exordia, non *πυγμαίως*, sed certis legibus copulauit: eosdémque *πλειόντη* pares, temperie distinxit & officio: non solo situ, sed formâ, numero & structurâ dissidentibus ad generationis opificium organis instruxit. Nec perperam duo testes sexum vtrumque nobilitarunt: à quibus bene temperatis robur omnino & corporis penderet integritas: ab iisdem siue mutilis siue imperfectis animi & membrorum hebetudo.

**E**T quidem meritis testibus vtilissimis partibus, & ad vitâ necessariâ vim *απερματοποιητικήν* adtribuerunt medicinæ principes: quibus exfectis, vel malè adfectis magna temperamenti, habitus, substantiæ, vt & morum *μεταμόρφωσις* plerumque deprehenditur: viceuersâ bene vasatis bonus sanguis, color gratus, vigor ætatis, quemadmodum & sanitatis efflorescunt. Porro sanguis pura puta seminis materia ex toto corpore per venas tanquam per elices in sinuosos testium anfractus prolestat: vbi, non aliter ac sanguis candore mammarum inalbescit, & sufficit lactis copiam, globuli illi sanguinem albore tingunt: transferuntque in genitale semen, quod vim perfectam ad generandum sortitur ex viribus priuatim cuique donatis.

**P**ROPTEREA mulieres hisce vasculis non frustra præditæ sunt, vt semine distentæ, veluti libidinis œstro percitæ in furias ignesque rueret venereos, & felices prole redderentur: quos profecto concubitus castratæ abhorruissent: seminis enim & comitis spiritus *ἐνορμηστος* titillante copiâ partes istæ pudendæ facile pruriunt. vnde exfecta animalia (foeminas capio) sterilescent, & in aliam ac degenerem naturâ abeunt. non tamen omnis ætas huiusce humoris prolifici particeps est. adultiores virgunculæ circa annum decimum quintum paulo citius aut tardius pro temperamenti discrimine pubescunt, mammæ intumescunt, menses qualitate, & quantitate peccantes fluunt: qui si liberius liberaliûsque prægnanti perdicrint, gracilescit foetus & imbecillis redditur: sine his vacillat sanitas: nam *γυναικωδυνία* *χρησιμὸν*. cæteroqui metus, ne barba mento tandem erumpat.

**V**EDAM aliæ aliis salaciores creduntur, (ipsæ tamen vniuerim viros superant) fuscæ, rutilæ, decolores in Veneris militiâ indefessæ perseverant: quæ quidem quod frequentius indulgent veneri, meliusculè se habent: & licet citius senescant, à multifariâ morborum tyrannide liberantur. Nec omnes generationis ditescunt opibus, nisi bonâ vteri & corporis temperie polleant, mediocri, eoque sano præcellant semine. obæscæ, viragines, item tenues & macilentæ, *ἀγροὶ ὡς θητοπολύ*. *ὅτι τὸ μέγρον* calidæ, frigidæ, humidæ sunt eiusdem sortis. En vteri conformatio sequitur temperiem corporis: si corpus est *ἀδενές* vel *νοσώδες*, vteri substantia tenuis erit & morbosa. *σκιρρός, ὀδμήμα, ἐρυσίπελος* & id genus tumores offiunt, conceptui, quid plura? si mensium suppressio, vteri suffocatio, (in quâ vterus non mouetur) *ρόδος γυναικίος, γυνόρροια* mulierem inuasent, minus feracem reddent.

**R**AVIORA longè oriuntur symptomata à semine in vasis retento, quam à menstruo. rarè hic affectus educendis mēsisbus faciles, necnon eas crebrâ viri consuetudine libidinantes obsidet. viduæ, virgines succi plenæ nullum habent morbum capitaliorem. quo correptæ & corruptæ mēte capiuntur, magna enim est matricis cum cerebro & corde societas, nec nisi hac sententiâ leuata resipiscunt. Hæ *ἐξονειρώσασσιν*, hæ *γυνόρροιαν*, & *πριαπισμὸν* patiuntur. Solæ (si pauca animalia exceperis) superfoetant, & incerto pariunt tempore. Earum autem semen cum sit vile excrementum ab ultimo alimento deciduum, agit sicut virile. ex hoc fonte fluunt liberorum cum parentibus similitudines: ex eodem innumerabilium morborum labe & contagio ad prolem traducitur, epilepticæ, cerebrosæ, ingenio leues, tardæ, aliisque id genus vitiis dotatae similes sibi filios parturiunt. Mirum sanè, quantum polleat vtriûsque sexus in generando seminum.

*Ergo semen muliebri prolificum.*

Defendebat DIONYSIVS GVERINVS Parisinus. Anno salutis 1603.

D. DOCTORES DISPUTAVRI.

M. Hieronymus Tacquet.  
M. Simon Bazin.  
M. Nicolaus Pierre.

M. Martinus Akakia Profiss. Reg.  
M. Petrus Paumier.  
M. Petrus Ponson Med. & Profiss. Reg.

M. Nicolaus Ellain.  
M. Gulielmus de Baillon.  
M. Henricus Monantheul Profiss. Reg.

